




**XUNTA
DE GALICIA**



**FUNDACION
SEMANA VERDE
DE GALICIA**

**CONVENIO DE COLABORACIÓN ENTRE A CONSELLERÍA DE POLÍTICA SOCIAL E A
FUNDACIÓN SEMANA VERDE DE GALICIA PARA A ORGANIZACIÓN E O
DESENVOLVEMENTO DUN ENCONTRO INFORMÁTICO**

DILIXENCIA.- Para facer constar que a
presente fotocopia foi compulsada co seu
orixinal, concordando fielmente.

En Santiago de Compostela, a 16 de xuño de 2016

Santiago, 27/06/2016

A FUNCIONARIA



M^a Belén Parra García

REUNIDOS

Dunha parte, a Consellería de Política Social, e no seu nome e representación o Sr. José Manuel Rey Varela, en virtude do seu cargo de conselleiro de Política Social, para o que foi nomeado polo Decreto 126/2015, do 4 de outubro, no exercicio das facultades que lle confire o artigo 34 da Lei 1/1983, do 22 de febreiro, do normas reguladoras da Xunta e da súa Presidencia e o artigo 2 da Resolución do 8 de abril de 1991, pola que se publica o acordo do Consello da Xunta de Galicia do 27 de marzo de 1991 e de conformidade có establecido no Decreto 129/2015, do 8 de outubro, polo que se fixa a estrutura orgánica das Consellerías da Xunta de Galicia e co Decreto 176/2015, do 8 de decembro, polo que se establece a estrutura orgánica da Consellería de Política Social.

E doutra, o Sr. D. Alfonso Rueda Valenzuela, Vicepresidente e Conselleiro de Presidencia, Administracións Públicas e Xustiza, actuando en nome e representación da Fundación Semana Verde de Galicia, con NIF G36155208, na súa condición de presidente do Padroado en función da Orde do 9 de xullo de 1991.

Cada un intervén en función do seu cargo, no exercicio das facultades que para convir en nome das entidades que representan teñen conferidas, recoñecéndose mutua e respectiva competencia e capacidade suficiente para formalizar o presente convenio de colaboración.



EXPOÑEN

Primeiro. Que as administracións públicas poden celebrar convenios de colaboración coas corporacións locais ou con outros entes de dereito público e con persoas físicas ou xurídicas ao abeiro do disposto no artigo 4.1.c) do Real decreto legislativo 3/2011, do 14 de novembro, polo que se aproba o texto refundido da Lei de contratos do sector público.

Os artigos 7.1 e 2, 10 e 14 da Lei 14/2013, de 26 de decembro, de racionalización do sector público autonómico, recoñece expresamente o convenio de colaboración como instrumento de cooperación entre a administración autonómica e os entes instrumentais que integran o sector público autonómico.

Segundo. Que a Fundación Semana Verde de Galicia é unha institución sen fin de lucro creada no 1991, declarada de interese galego con carácter de fundación do sector público autonómico nos termos recollidos nos artigos 113 e seguintes da Lei 16/2010, de 17 de decembro, de organización e funcionamento da administración xeral e do sector público autonómico de Galicia. A Fundación ten entre os seus fins reforzar a posición estratéxica de Galicia como plataforma feiral para o desenvolvemento de grandes eventos sectoriais de ámbito estatal e internacional.

Terceiro. Que a Consellería de Política Social é o órgano da Xunta de Galicia ao que compete levar a cabo, entre outras, a súa política en materia de xuventude e segundo o disposto no Decreto 176/2015, do 3 de decembro, polo que se establece a súa estrutura orgánica, entre as súas competencias está a de apoio ao desenvolvemento da actividade xuvenil, así como o fomento da participación da xuventude na vida social.

Cuarto. Que a Consellería de Política Social é consciente da importancia ten brindar á xuventude un marco para que se introduza e afonde na sociedade da información e no manexo

DILIXENCIA.- Para facer constar que a presente fotocopia foi compulsada co seu orixinal, concordando fielmente.

Santiago, 20/06/2016

A FUNCIONARIA

Páxina 2 de 10

Mª Belén Pardal García




XUNTA DE GALICIA
DE POLÍTICA
 DULXENCIA.- Para facer constar que a
 Feita en Santiago, a 27/06/2016, foi compulsada co seu
 orixinal, concordando fielmente.

Santiago, 27/06/2016
 A FUNCIONARIA



Mª Betén Pardo García



**FUNDACION
 SEMANA VERDE
 DE GALICIA**

das novas tecnoloxías, de que a adaptación aos tempos actuais e de inmediato futuro esixen a utilización sistemática de novas tecnoloxías que se están introducindo masivamente no mundo da información, polo que é necesario darlle á xuventude a posibilidade de ter un punto de referencia sobre estas tecnoloxías- con presenza dos produtos máis actuais- onde ademais poidan desenvolver e darlle saída a súa creatividade.


Quinto. Que a Fundación Semana Verde de Galicia conta coas instalacións adecuadas para realizar un evento que reúna a máis de 1000 mozos e mozas durante un encontro informático de varios días de duración. Trátase dun espazo caracterizado pola súa amplitude, capacidade, estruturación, clases de dependencias coas que conta e servizos que ofrece e aparcadoiro.

Sexto. Que as partes teñen, como interese común, a promoción de actuacións que contribúan á introdución da sociedade galega en xeral e da xuventude en particular, no mundo das novas tecnoloxías.

Sétima. Que a organización de actividades lúdicas e culturais vinculadas as novas tecnoloxías teñen unha grande demanda por parte da xuventude galega, que reclama a organización dun novo evento centrado neste aspecto. O encontro será un evento dirixido a xuventude que desexe unha relación máis directa coas novas tecnoloxías nun escenario singular, cunha serie de actividades dinámicas no recinto feiral; un evento multidisciplinar con diversas áreas temáticas que aborde a tecnoloxía dende todas as perspectivas.

Oitavo. Que dado o carácter nominativo da subvención a favor da Fundación Semana Verde de Galicia nos orzamentos xerais da Comunidade Autónoma de Galicia para o ano 2016, non é posible promover a concorrência pública.

Noveno.- Que a Fundación Semana Verde de Galicia presentou unha declaración do conxunto das axudas solicitadas, tanto as aprobadas ou concedidas, como as pendentes de resolución, para este mesmo proxecto (para os mesmos gastos subvencionables), das distintas



administracións públicas competentes ou das súas entidades vinculadas ou dependentes ou doutros entes públicos ou privados, estatais ou internacionais.

Décimo.- Que a Fundación Semana Verde de Galicia presentou unha declaración de atoparse ao corrente no cumprimento das súas obrigas tributarias e fronte á Seguridade Social, non tendo pendente de pagamento ningunha outra débeda coa Administración pública da Comunidade Autónoma.

Un décimo.- Que a Fundación Semana Verde de Galicia presentou unha declaración sobre a concesión de calquera outra axuda minimis recibida durante os dous exercicios fiscais anteriores e durante o exercicio fiscal en curso, de conformidade co artigo 6.1 do Regulamento (UE) 1407/2013 da Comisión, do 18 de decembro de 2013, relativo á aplicación dos artigos 107 e 108 do Tratado de funcionamento da Unión Europea ás axudas minimis (DOUE 24.12.2013, L352/1)

Ambas as dúas partes acordan asinar o presente convenio de colaboración de acordo coas seguintes:

CLÁUSULAS

Primeira Obxecto

O obxecto deste convenio é regular as condicións polas que se rexerá a colaboración entre a Consellería de Política Social e a Fundación Semana Verde de Galicia para a organización e desenvolvemento no ano 2016 dun encontro informático que ten como obxectivo principal ser un punto de encontro e referencia para a xuventude que no eido das novas tecnoloxías, combinando actividades educativas, lúdicas e culturais.

DILIXENCIA.- Para facer constar que a presente fotocopia foi compulsada co seu orixinal, concordando fielmente.

Santiago,.....

27/06/2016

A FUNCIONARIA

M^a Belén Fardal García

Páxina 4 de 10



**XUNTA
DE GALICIA**

DILIXENCIA.- Para facer constar que a presente fotocopia foi compulsada coa orixinal, concordando fielmente.

Santiago, 27/06/2016
A FUNCIONARIA



Mª Belén Rival García

**FUNDACION
SEMANA VERDE
DE GALICIA**

Segunda. Crédito orzamentario

A achega financeira ao citado convenio, no que atinxe á Consellería de Política Social, establécese en cincuenta mil euros (50.000 €), con cargo á partida orzamentaria 12.05.313A.443.01 dos orzamentos xerais da Comunidade Autónoma para o ano 2016, para a organización e desenvolvemento por parte da Fundación Semana Verde do encontro informático nas súas instalacións.

Esta subvención é compatible con outras subvencións, axudas, ingresos ou recursos para a mesma finalidade que puidera obter o beneficiario procedentes de calquera Administración ou ente público ou privado, nacional, da Unión Europea ou de organismos internacionais. Non obstante, e en todo caso, o importe global de todas as axudas que se obteñan non poderá superar o custo efectivo da actividade.

Terceira. Condicións de pago. Xustificación do gasto

O aboamento do importe establecido realizarase nun único pagamento, unha vez que o beneficiario xustifique o gasto aplicable ao convenio, mediante a achega de facturas, nóminas, boletíns de cotización á Seguridade Social, documentos de retencións do imposto da renda das persoas físicas e documentos similares.

Para estes efectos considerárase como gasto efectuado o efectivamente pagado, é dicir, do que se acredite o seu pagamento mediante extractos ou certificacións bancarias debidamente identificados, selados e asinados polo beneficiario, segundo o establecido no artigo 42º 2. do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

Acompañarase unha certificación expedida polo director da Fundación Semana Verde de Galicia, da realización das actividades e o gasto derivado delas.

Achegarase, así mesmo, a declaración do conxunto de todas as solicitudes aprobadas ou concedidas, como as pendentes de resolución, para este mesmo proxecto (para os mesmos

gastos subvencionables) das distintas administracións públicas ou de calquera dos seus organismos autónomos, sociedades ou entes públicos ou privados, nacionais, da Unión Europea ou internacionais; a declaración de atoparse ao corrente no cumprimento das súas obrigas tributarias e fronte á Seguridade Social, non tendo pendente de pagamento ningunha outra débeda coa Administración pública da Comunidade Autónoma; así como unha declaración sobre a concesión de calquera outra axuda minimis recibida durante os dous exercicios fiscais anteriores e durante o exercicio fiscal en curso, de conformidade co artigo 6.1 do Regulamento (UE) 1407/2013 da Comisión, do 18 de decembro de 2013, relativo á aplicación dos artigos 107 e 108 do Tratado de funcionamento da Unión Europea ás axudas minimis (DOUE 24.12.2013, L352/1) Esta documentación deberá remitirse coa xustificación final e, en todo caso, coa data límite do 30 de novembro do exercicio en curso.

Coa xustificación final o beneficiario deberá presentar unha declaración responsable nos termos do artigo 11º do Regulamento da Lei 9/2007, do 13 de xuño, de subvencións de Galicia de estar ao corrente no cumprimento das obrigas tributarias ou fronte á Seguridade Social e de non ter pendente de pagamento ningunha outra débeda coa Administración pública da Comunidade Autónoma.

Quarta. Vixencia

A vixencia do presente convenio de colaboración estenderase dende a data da súa sinatura ata o 15 de novembro do 2016, non sendo susceptible de prórroga. Non obstante, e dada a súa finalidade, poderán subvencionarse con cargo ao mesmo gastos relacionados directamente coa organización do evento dende o 1 de xaneiro de 2016.

Quinta. Supervisión e control

A Fundación Semana Verde de Galicia someterase ás actuacións de supervisión e control que, en calquera momento, poidan acordar os servizos competentes da Consellería de Política Social, tanto no relativo á organización e desenvolvemento e organización do evento informático como á súa xestión e tramitación administrativa e documental, realizadas polo persoal designado para o efecto, así como facilitar toda a información que lles sexa requirida pola Intervención Xeral da

DILIXENCIA.- Para facer constar que a presente fotocopia foi compulsada co seu orixinal, concordando fielmente.




XUNTA
DE GALICIA



27/06/2016
A FUNCIONARIA

M^a Belén Parada García



FUNDACION
SEMANA VERDE
DE GALICIA

Comunidade Autónoma, o Tribunal de Contas e o Consello de Contas, no exercicio das súas funcións de fiscalización e control do destino das axudas.

Sexta. Modificación

Toda alteración das condicións tidas en conta para a concesión desta axuda, en todo caso a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderán dar lugar á modificación do presente convenio.

Sétima. Obrigas

A Fundación Semana Verde de Galicia deberá cumprir os requisitos do artigo 10 e as obrigas recollidas no artigo 11 da Lei 9/2007, do 13 de xuño, de subvencións de Galicia.


Así mesmo, deberá suministrar á Consellería de Política Social a información necesaria ao abeiro do disposto no artigo 4 da Lei 1/2016, do 8 de xaneiro.

Oitava. Causas de resolución


Serán causas de resolución do presente convenio e procederá, se é o caso, o reintegro total ou parcial da axuda percibida e os xuros de mora xerados dende o momento do seu pagamento, as seguintes:

- O incumprimento de calquera das cláusulas establecidas no mesmo.
- A aplicación dos fondos outorgados no convenio para fins distintos dos que motivaron a concesión.
- A falta de xustificación do emprego das cantidades recibidas.
- Os demais supostos previstos no artigo 32 e 33 da Lei 9/2007, do 13 de xuño, de subvencións de Galicia. A tramitación do procedemento de reintegro realizarase de conformidade co disposto no Título II da Lei 9/2007, do 13 de xuño, de subvencións de Galicia e no título V do





XUNTA
DE GALICIA



FUNDACION
SEMANA VERDE
DE GALICIA

Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia.

Novena. Comisión de seguimento e control

Constitúese unha comisión de seguimento e control, que vai levar a cabo as funcións contempladas no presente convenio e, en especial, as de supervisión e avaliación das actuacións nel recollidas.

A comisión estará composta por un representante de cada unha das entidades asinantes do convenio. A referida comisión estará presidida pola persoa titular da Dirección Xeral de Xuventude, Participación e Voluntariado e actuará como secretario/a un/unha funcionario/a da Dirección Xeral de Xuventude, Participación e Voluntariado.

Décima. Relación contractual

A subscrición do convenio non supón relación laboral contractual ou de calquera outro tipo entre os profesionais e os empregados da Fundación Semana Verde que desenvolvan as actividades programadas e a Xunta de Galicia.

Undécima. Publicidade

A Fundación Semana Verde de Galicia consente en que se inclúa e faga pública no Rexistro de Axudas, Subvencións e Convenios a achega outorgada por medio do presente convenio, de acordo co establecido na Lei 1/2016, do 18 de xaneiro, de transparencia e bo goberno–e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

DILIXENCIA.- Para facer constar que a presente fotocopia foi compulsada co seu orixinal, concordando fielmente.

Santiago, 27/06/2016

A FUNCIONARIA

Mª Belén Pardal García



XUNTA DE GALICIA



27/06/2016
A FUNCIONARIA

M^a Belén Parcal García



**FUNDACION
SEMANA VERDE
DE GALICIA**

De conformidade coa Lei 38/2003, do 17 de novembro, xeral de subvencións, o instrumento de colaboración e a información sobre a subvención serán comunicados á Base de Datos Nacional de Subvencións (BDNS).

A sinatura do convenio leva implícito o consentimento expreso do beneficiario a favor da Administración concedente, para o tratamento necesario dos datos relevantes da axuda concedida e a súa publicidade.

En cumprimento do disposto na Lei 1/2016, do 18 de xaneiro, de transparencia e bo goberno, a Consellería de Política Social informará na súa páxina web oficial da subscripción do presente convenio cos seguintes datos básicos: identificación das partes, importe do financiamento, data da sinatura, finalidade e período de vixencia. A sinatura do convenio leva implícita a autorización para o tratamento necesario dos datos e a referida publicidade.

Dúo décima. *Consentimento para a publicación de datos*

As partes asinantes do convenio autorizan que os seus datos persoais e as demais especificación contidas neste convenio poidan ser publicados no Portal de Transparencia e Goberno Aberto.

Os datos de carácter persoal dos titulares de expedientes de axudas, subvencións e convenios que consten nos rexistros, estarán protexidos segundo o establecido na Lei orgánica 15/1999, do 13 de decembro, de protección de datos de carácter persoal.

Décima terceira. *Lexislación aplicable. Xurisdición competente*

O presente convenio terá carácter administrativo, rexendo os seus efectos polo establecido nas cláusulas do mesmo e, no seu defecto, polo Real decreto legislativo 3/2011, do 14 de novembro, polo que se aproba o texto refundido da Lei de Contratos do Sector Público, para resolver as dúbidas e lagoas que poidan xurdir, así como no que lle sexa aplicable polo Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia modificado pola Lei 14/2004, do 29 de decembro, de medidas tributarias e de réxime administrativo, na Lei 38/2003, do 17 de novembro, xeral de subvencións e na Lei



9/2007, do 13 de xuño, de subvencións de Galicia e o Decreto 11/2009, do 8 de xaneiro, polo que se aproba o seu regulamento.

Esta axuda ampárase no Regulamento (UE) 1407/2013 da Comisión, do 18 de decembro de 2013, relativo á aplicación dos artigos 107 e 108 do Tratado de funcionamento da Unión Europea ás axudas minimis (DOUE 24.12.2013, L352/1).

No presente convenio de colaboración correspóndelle á Consellería de Política Social, a prerrogativa de interpretación do mesmo e resolver as dúbidas que xurdan sobre o seu cumprimento, sendo os acordos adoptados neste caso inmediatamente executivos.

As cuestións litixiosas xurdidas sobre a interpretación, modificación, resolución e efectos do presente convenio de colaboración serán resoltas polo conselleiro de Política Social, poñendo os seus acordos fin á vía administrativa, que poderán ser recorridos potestativamente en reposición ante o mesmo órgano que os ditara ou ser impugnados directamente ante a orde xurisdiccional contencioso administrativo, segundo o disposto na Lei 29/1998, do 13 de xullo, reguladora da xurisdición contencioso administrativo. Para estes efectos o Tribunal competente será o Tribunal Superior de Xustiza de Galicia.


En proba de conformidade, asinan o presente convenio de colaboración por triplicado exemplar no lugar e data indicados no encabezamento.

O conselleiro de Política Social



O CONSELLERO
CONSELLERÍA DE POLÍTICA SOCIAL
José Manuel Rey Varela

O presidente do Padroado da Fundación
Semana Verde de Galicia



CONSELLERO DE PRESIDENCIA
Alfonso Rueda Valenzuela